

Ժողովուրդ

170
(2650)

26 նոյեմբերի շաբաթ 2022
տպագրության ԺԱ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ԱՐՑԱԽԸ՝ ԱՆԿԼԱՎ ԳԱՌՆԱԼՈՒ ԹԻՍԿԻ ՏԱԿ



Հայաստանյան քաղաքական դաշտում վերջին շրջանում բավականին ակտիվ կերպով քննարկվում է հավանական այն սցենարը, որ Ադրբեջանը մի օր պարզապես կարող է փակել Հայաստանի Արցախի կապող միջանցքը. քանի որ այդպիսի շանտաժներ արվում են պարբերաբար: «Ժողովուրդ» օրաթերթի տեղեկություններով՝ քաղաքական իշխանության ներսում անհանգստացած են Փաշինյանի՝ օրերս Երևանում կայացած ՀԱԿԿ գագաթնաժողովի ժամանակ արված այն հայտարարությունից, որ «մինչ օրս Լաչինի միջանցքն ամբողջությամբ չի գտնվում ռուսական խաղաղապահ զորախմբի վերահսկողության ներքո, եւ ադրբեջանական բանակը մի քանի դիրքեր է պահպանում Լաչինի միջանցքում»:


Հաշվի առնելով զուտ միայն այն հանգամանքը, որ Բերձորով անցնող միջանցքի փոխարեն Ադրբեջանը բոլորովին նոր՝ շատ ավելի ներլիկ ճանապարհ է հրամցրել, բացի այդ՝ թե՛ Ժամուկ ու անգլեն այնքան համար աննկատ, բայց ադրբեջանական կողմը խախտում է 5 կմ երկայնքով բուֆերային գոտի պահպանելու նորմն ու իր զորամիավորումները տեղադրում, ապա ենթադրել կարելի է, որ Լաչինի միջանցքը փակելու գաղափարն Ադրբեջանը, այնուամենայնիվ, կարող է եւ իրագործել: Հավանական ու ողբերգական ելքեր ենթադրող այս սցենարը նաեւ Արցախում չեն բացառում: Արցախի արտաքին գործերի նախարարի պաշտոնակատար Դավիթ Բաբայանը «Ժողովուրդ» օրաթերթի հետ զրույցում ասաց՝ Ադրբեջանն առհասարակ չի էլ թաքցնում իր ծավալապաշտական նկատառումները, իսկ վերջերս սկսել է շատ ավելի շահարկել Հայաստանի Արցախի միացնող միջանցքի հարցը:

«Անընդհատ տուտ լուրեր է տարածում, իբրեւ թե Լաչինի միջանցքով գեներալներ են գալիս, որն ընդհանրապես կապ չունի իրականության հետ: Դեռեւս բար, ի դեմս Ադրբեջանի, մենք հարեան ունենք, որն իսկապես աստվածային է լցված հայ ժողովրդի, Արցախի ու Հայաստանի նկատմամբ: Նա, իհարկե, տարբեր բաներ կարող է ձեռնարկել, բայց մենք էլ, բնականաբար, պետք է համապատասխան աշխատանք տանենք՝ նրանց ահաբեկչական բնույթի քայլերն ու նպատակները չեզոքացնելու: Իսկ այդ աշխատանքները, առաջին հերթին, պետք է ռուս խաղաղապահների, Ռուսաստանի, ԵԱՀԿ Մինսկի խմբի համանախագահող մյուս երկու երկրների՝ ԱՄՆի ու Ֆրանսիայի հետ տանենք»,- ընդգծեց Արցախի հանրապետության արտաքին գործերի նախարարը:

Ի շտող «Քաղաքացիական պայմանագիր» կուսակցությունում դիրքային փոփոխություններ են տեղի ունենում: ՀՀ վարչապետ Նիկոլ Փաշինյանը վերանայում է կուսակցության ներսում իր սիրելիների ու հավատարիմների ցանկը: «Նա այժմ առավել քան տեղ է տալիս իրեն հաճախակի քննող, գովեստի խոսքեր ասող դեմքերին, տպավորություն է, թե ողջունում է հրապարակային քննանքը: Կուսակցության վարչության անդամների ընտրությունից ու նոր վարչություն ձեւավորելուց հետո Փաշինյանը սկսել է Վահագն Ալեքսանյանին ու Գեորգ Պապոյանին տեղ տալ: Նրանք, ըստ երեւոյթին, ավելի հաճախ են «լայքում» կամ տարածում վարչապետի գրառումներն ու ավելի հաճախ են հայտարարում իրենց՝ Փաշինյանին անվերապահ աջակցելու մասին»,- «Ժողովուրդ» օրաթերթին ասաց իշխանաւոր մեր աղբյուրը: Տեղեկացանք նաեւ, որ Փաշինյանի եւ վարչության նախկին նախագահ Սուրեն Պապիկյանի հարաբերություններն են տրանսֆորմացվել: «Ժողովուրդ» օրաթերթը տեղեկացավ՝ «Քաղաքացիական պայմանագիր» կուսակցության՝ նոյեմբերի 22-ին տեղի ունեցած նորընտիր վարչության անդամակազմի նիստին Պապիկյանը ներկա չի եղել: Այդ օրը խոսվել է ԲԳ վարչության անդամների, տեղակալների, ոլորտների բաշխման մասին, ինչպես նաեւ կուսակցության վարչության կեղծված ընտրությունների մասին: Նիկոլ Փաշինյանը չի ներում այն, որ կեղծիքների լուրը հրապարակվել է, եւ մենք գրել ենք այդ մասին: Հիմա ներսում բոլորն իրար վրա են փորձում բարդել պատասխանատվությունը, եւ առնետարս է սկսվել՝ հասկանալու, թե ով է մեր աղբյուրը:



Ազգային ժողովի «Հայաստան» խմբակցության պատգամավոր Իշխան Սաղաթեյանը, ի տարբերություն իր գործընկերների, խորհրդարանական աշխատանքին չի վերադարձել: «Ժողովուրդ» օրաթերթը, հիշեցնենք, դեռ մեկ շաբաթ առաջ էր գրել, որ նա, հավանական է, վայր դնի պատգամավորական մանդատը: Սաղաթեյանի խորհրդարանը լքելու հանգամանքը իշխանությունների համար «ցանկալի արդյունքի հասնելու» նման մի բան է: Բանն այն է, որ իշխող «Քաղաքացիական պայմանագիրը», չբավարարվելով նրան խորհրդարանի փոխնախագահի պաշտոնից պաշտոնանկ անելուց, այժմ էլ ամեն գնով ուզում է նրա ձեռքից մանդատը վերցնել: Որպեսզի Սաղաթեյանը հնարավորինս անհարմարավետություն զգա խորհրդարանում, «Ժողովուրդ» օրաթերթի տեղեկություններով, ԱԺ ղեկավարությունը նիստերի դահլիճի՝ «Հայաստան» խմբակցության համար նախատեսված շարքի ամենավերջում է տեղ տվել նրան: Սա ասես բավարար չէ, արդեն շարքային պատգամավոր Սաղաթեյանին իշխող «Քաղաքացիական պայմանագիր» խմբակցության թեւում են աշխատասենյակ տրամադրել: Մի խոսքով, Նիկոլ Փաշինյանն անում է հնարավոր ու ամեն ինչ՝ պառակտելու եւ փոփոխելու «Հայաստան» խմբակցության կազմը:



«Ժողովուրդ» օրաթերթի տեղեկությունների համաձայն՝ ՀՀ նորանշանակ գլխավոր դատախազը փորձել է ՀԱԿԿ նախկին գլխավոր քարտուղար Յուրի Խաչատուրովի որդուն կալանավորել: Մեզ հասած տեղեկությունների համաձայն՝ հոկտեմբերի 25-ին ՀՀ վճռաբեկ դատարան է դիմել գլխավոր դատախազի տեղակալը եւ պահանջել, որ դատարանը Խաչատուրովի որդուն կալանավորի, սակայն ՀՀ վճռաբեկ դատարանը մերժել է նորանշանակ դատախազի տեղակալի բողոքը: Ինչպես հայտնի է, այս տարվա մայիսի 20-ին ՀՀ քննչական կոմիտեն կալանավորեց Յուրի Խաչատուրովի որդուն, որը 2 ամիս անց՝ կալանքի տակ մալուց հետո՝ հուլիսի 11-ին, դատարանի դահլիճից ազատ արձակվեց՝ 1 միլիոն դրամ գրավի դիմաց: Ներկայումս նրա գործով դատական նիստերը շարունակվում են: Հիշեցնենք, որ, ըստ նախաքննական մարմնի, 2022թ. մայիսի 17-ին՝ ժամը 08.30-ի սահմաններում, անհնազանդության ակցիա իրականացնող մի խումբ քաղաքացիներ փակել էին Երևան քաղաքի Կիեյան փողոցի 15 հասցեի դիմացի երթուղիի հատվածը՝ այդպես խոչընդոտելով այլ քաղաքացիների ազատ տեղաշարժը: Նշված վայրում ծառայություն իրականացնող ՀՀ ոստիկանության աշխատակիցները, իրականացնելով հասարակական կարգի պահպանություն, հորդորել էին ազատել փողոցի բանուկ հատվածը, սակայն անհնազանդության ակցիայի մասնակիցները չէին ենթարկվել ոստիկանության աշխատակիցների փողոցն ազատելու եւ երթուղիները վերականգնելու օրինական պահանջներին, ինչի կապակցությամբ ակցիայի մասնակիցներից մի քանիսը բերման էին ենթարկվել: Այդ ընթացքում Իգոր Յուրիի Խաչատուրովը ակցիայի մեկ այլ մասնակցի հետ խոչընդոտել էր փողոցն ազատելու եւ անձանց բերման ենթարկելու ՀՀ ոստիկանության տեսուչի գործողություններին, նրա նկատմամբ առողջության համար ոչ վտանգավոր բռնություն էր գործադրել՝ բռնկվելով մի քանի անգամ հարվածելով նշված աշխատակցի կրծքավանդակի եւ որովայնի հատվածներին: Ձեռք բերված բավարար ապացույցների համակցությամբ՝ Իգոր Խաչատուրովին մեղադրանք է առաջարկվել՝ ՀՀ քրեական օրենսգրքի 316-րդ հոդվածի 1-ին մասով՝ ոստիկանի օրինական պահանջները չկատարելը:



ՔԱՂԱՔԱԿԱՆ

ԼԱԶԻՆԻ ՄԻՋԱՆՅՔ

ՊԵՏՔ Է ԿԱՆԻՒԵԼ ԲԱՔՎԻ ԱՐԱԲԵԿՉԱԿԱՆ ՆՊԱՏԱԿՆԵՐԸ

Քաբուն կեղծ մեղադրանքներ է ներկայացնում Հայաստանին, թե դաժանաբանական երևանք Լազինի միջանցքը գիմամբերի սեղանի շուրջում համար է օգտագործում: Այնինչ իրականությունն այն է, որ Ադրբեջանը, չհնձու ու կեղծ հայտարարություններով, միջազգային հանրությանը ցանկանում է ներկայացնել, թե Հայաստանն Արցախին կադող միջանցքը մեծ բոլորովին այլ նպատակների համար ենք ծառայեցնում: Իրականությունը սակայն այն է, որ ադրբեջանական կողմը, ըստ երևույթին, միջանցքը փակելու, և, հետևաբար, Արցախը հայաթափելու մտադրություն ունի: Թեմայի վերաբերյալ «Ժողովուրդ» օրաթերթը գրուցել է Արցախի արտաքին գործերի նախարարի դաժանակասար Գավիթ Բաբայանի հետ:

-Պարոն Բաբայան, այս օրերին հայաստանյան քաղաքական դաշտում քննարկվում է այն հարցը, որ չի բացառվում Ադրբեջանն առաջիկայում փակի Հայաստանի՝ Արցախին միացնող միջանցքը: Հետաքրքիր է՝ սրա հետ կապված՝ Արցախում ի՞նչ տրամադրություններ են:

-Ադրբեջանը ընդհանրապես չի էլ թաքցնում իր ծավալապաշտական նկրտումները, ու ձեր կողմից բարձրաձայնված հարցը վերջերս սկսել է էլ ավելի շատ շահարկել: Անամոթաբար ապատեղեկատվություն են տարածում, թե «Լազինի միջանցք»-ով Հայաստան գեներալները է տեղափոխվում, ինչն իրականության հետ առաստառակ կապ չունի: Ի դեմս Ադրբեջանի՝ մենք գործ ունենք մի երկիր հետ, որ ատելությանը է լցված թե՛ հայ ժողովրդի, թե՛ Արցախի ու թե՛ Հայաստանի նկատմամբ: Կանխելու համար Ադրբեջանի ծավալապաշտական նկրտումները բոլորս պետք է աշխատենք, առաջին հերթին, ռուս խաղաղապահների, Ռուսաստանի, այնուհետ՝ ԵԱՀԿ անդամ մյուս երկրների՝ Ամերիկայի ու Ֆրանսիայի հետ: Բոլորս գիտենք, որ Ադրբեջանը միջազգային կառույցներում լուրջ վնասներ է կրում կապված, օրինակ, Ֆրանսիայի սենատի ընդունած բանաձևի հետ: Եվ այդ ամենը հաշվի առնելով է պետք անել հնարավորը՝ կանխելու կամ չեզոքացնելու նրա կողմից հրահրվող ահաբեկչական քայլերն ու նպատակները:

-Իսկ ճի՞շտ է այն տեղեկատվությունը, որ վերջերս շահագործման հանձնված ճանապարհի երկայնքով անվտանգության համար նախատեսված 5 կմ բուֆերային



Գոտին չի պահպանվում: Այսինքն՝ ադրբեջանցիները խախտում են նաեւ այդ դրույթը:

-Տեղ-տեղ, բնական է, լինում են խախտումներ, եւ այդ խախտումները անցնում եւ Շուշիի մոտով, բայց դա պատերազմի հետեւանքն է: Իհարկե, այդ հարցը նույնպես լուրջ խնդիր է, իրենք էլ, օգտվելով դիրքային առավելությունից, երբեմն պրոպոկանդաներ են իրականացնում:

-Ըստ Ձեզ՝ նման սցենար՝ միջանցքի փակում, թույլ չտալու համար Արցախը ի՞նչ քայլ կարող է անել, կամ ի՞նչ պետք է անի:

-Պետք է ճիշտ աշխատի՝ առանց ավելորդ էմոցիաների եւ PR-ի:

-Արցախի պետական ապարատի, երկրի կառավարման ներսում կատարվող փոփոխությունների մասով մեկ հարց. Արցախի՝ նոր-նոր պետնախարար նշանակված Ռուբեն Վրդանյանն իր կարիքներն է ձեւավորում, ու այս մասով կարծիքները տարբեր են՝ եւ դրական, եւ բացասական: Հիմնական թեզն այն է, որ եթե Վարդանյանը չհաջողի, դա կարող է կործանարար հետեւանքների բերել: Ձեր տեսակետն այս մասով ո՞րն է, եւ ըստ Ձեզ՝ այդ կործանարար հետեւանքը ինչ՞ կարող է լինել:

-Մենք պետք է անենք ամեն ինչ, որ լուրջ ծախսողումներ չլինեն մեր պետականաշինության գործընթացում, եւ դա հատկապես գալիք մի քանի տարիների ընթացքում: Նախ ժամանակ չունենք, որ էքսպերիմենտներով զբաղվենք եւ այլն: Խոսքը, բնականաբար, միայն Վարդանյանի մասին չէ: Եվ եթե Արցախում ավելի անվտանգային, կանխատեսելի միջավայր լինի, ապա հուսով ենք՝ ռուս խաղաղապահները կմնան այստեղ անորոշ ու շատ երկար ժամանակով, ինչն էլ ավելի հուսալի ապագա կստեղծի մեզ՝ արցախահայությանս համար:

ԳԱՏԱՐԱՆԸ ԿԿԱՍԵՑԻ

ԳԱՏԱՐԱՆԸ ԿԿԱՍԵՑԻ

«Ժողովուրդ» օրաթերթի տեղեկությունների համաձայն՝ ՀՀ վարչական դատարանը կկասեցնի ՀՀ սուտիկանության հայցը՝ ընդեմ 44-օրյա պատերազմի ընթացքում զոհված զինծառայողների ծնողների: Մեզ հասած լուրերի համաձայն՝ դատարանի համակարգում ներքին մասնագիտական քննարկում է եղել, եւ որոշել են սուտիկանության հայցին անդրադառնալ քրեական վարույթով՝ նախաքննության ավարտից հետո: Հիշեցնենք, որ ԱԺ մարդու իրավունքների պաշտպանության եւ հանրային հարցերի մշտական հանձնաժողովի նախագահ Թագուհի Թովմասյանը, անդրադառնալով սուտիկանության կողմից սեպտեմբերի 21-ին Եռաբլուրում տեղի ունեցած միջադեպին եւ սուտիկանության կողմից զոհված զինծառայողների ծնողներին դատի տալու գործընթացին, նշել էր. «Այնպես չէ, որ նախ քան այն հանգամանքը, որ տեղի ունեցած միտոսյան փաստական հանգամանքի վերաբերյալ նախաձեռնվում եւ իրականացվում է միաժամանակյա երկու գործընթաց՝ քրեաիրավական եւ վարչաիրավական այն պարագայում, որ այս երկու գործընթացները միմյանցից անկախ են, չեն կարող ունենալ քննության իրականացման միտոսյան հիմքը: Փոխանակ սուտիկանները պատժվեն ծնողներին նստեցնուցից կերպով գետնին տապալելու համար, դեռ մի բան էլ սուտիկանությունը ծնողներին է փորձում պատժել»: Հիշեցնենք՝ ArmLur.am-ը գրել էր, որ ՀՀ սուտիկանությունը դիմել է ՀՀ վարչական դատարան՝ ընդդեմ 44-օրյա պատերազմում զոհված զինծառայողների ծնողների, եւ պահանջում է, որ դատարանը զոհված զինծառայողների ծնողներին վարչական պատասխանատվության ենթարկի, քանի որ ծնողները սեպտեմբերի 21-ին թույլ չէին տալիս ՀՀ վարչապետին եւ կառավարության անդամներին գնալ եւ ծաղիկ խոնարհել իրենց որդիների շիրիմներին: Արդյունքում սուտիկանները բռնության ենթարկեցին ծնողներին, ինչի առթիվ հարուցվել է քրեական վարույթ. 18 ծնող տուժող է ճանաչվել, սակայն մինչ օրս որեւէ մեղադրյալ չկա:

ՍՈՒՊԵՐՎԱՐՉԱՊԵՏՈՒԹՅՈՒՆ՝ ԸՍՏ ՓԱՇԻՆՅԱՆԻ

Նիկոլ Փաշինյանի իշխանությունը սուպերվարչապետության նոր ռեկորդներ է ցանկանում սահմանել: Այսպես՝ կառավարության երեկվա՝ նոյեմբերի 24-ի նիստի ժամանակ կառավարությունը որոշել է, որ Պետական պահպանության ծառայությունը պետք է առանձնացվի ազգային անվտանգության ծառայությունից, ու այն վարչապետին ենթակա մարմին դառնա: Ինչ է ստացվում. ուժային այս կառույցի ղեկավարումն ու դրա տնօրինումը ոչ թե վերադաս ուժային մեկ այլ կառույց, այլ հենց վարչապետի աշխատակազմը պետք է իրականացնի: Փաշինյանի իշխանության ժամանակ, փաստորեն, նաեւ վարչապետի անվտանգությունն իրականացնող մարմինն անմիջապես վարչապետին է ենթարկվելու՝ ըստ երևույթին նրա հրահանգներն ավելի օպերատիվ կատարելու, նրա անվտանգությունն էլ ավելի ապահով դարձնելու համար: Ընդդիմադիր ժամանակ Նիկոլ Փաշինյանը սակայն, հիշեցնենք, քարոզարին ջանալով, քննադատում էր Սերժ Սարգսյանին, թե նա երկրի կառավարման ձեւը սուպերվարչապետության է վերածել՝ իր վերահսկողության տակ առնելով մի շարք գերատեսչություններ ու օղակներ: Բայց այսօր, փաստացի, Փաշինյանը ոչ միայն չի հրաժարվել իր իսկ կողմից անվտանգության «սուպերվարչապետության» թեզից, դեռ մի բան էլ, օր օրի ամրապնդում է այն:

ԱՐԶԱԳԱՆՔԵԼ Է

ԱԼԻԵՎ-ՓԱՇԻՆՅԱՆ ՀԱՆԴԻՊՈՒՄԸ ԶԻ ԿԱՅԱՆԱ

Գեկեմբերի 7-ին Բրյուսելում նախանշված Փաշինյան-Ալիև հերթական հանդիպումը կարող է սեղի չունենալ: Այս մասին ադրբեջանական լրատվամիջոցներն են հայտնում՝ հղում անելով երկրի նախագահ Իլհամ Ալիևի հայտարարությանը:

Բացվում ընթացող համաժողովի ընթացքում հարեան երկրի նախագահը մասնավորապես հայտարարել է. «Հայաստանի վարչապետ Նիկոլ Փաշինյանի հետ Բրյուսելում հանդիպումը դեկտեմբերի 7-ին պետք է տեղի ունենար: Սակայն երեկ իմ օգնական Հիքմեթ Հաջիբեյլի տեղեկացրել է, որ իր հետ կապ էին հաստատել Եվրոպական խորհրդի նախագահ Շառլ Միշելի գրասենյակից եւ հայտնել հետեւյալը՝ Հայաստանի վարչապետ Փաշինյանը համաձայնել է հանդիպել միայն

այն դեպքում, եթե այդ հանդիպումը նաեւ Ֆրանսիայի նախագահ Էմանուել Մակրոնը մասնակցի»:

Իսկ դա, հավելել է Ալիևը, նշանակում է, որ նախանշված հանդիպումը տեղի չի ունենա:

Փաշինյան-Ալիև վերջին հանդիպումը, հիշեցնենք, հոկտեմբերի 31-ին Սոչիում էր կայացել: Միջնորդ կողմը Ռուսաստանն էր՝ նախագահ Վլադիմիր Պուտինի գլխավորությամբ: Երեք երկրների ղեկավարները համատեղ հայտարարություն էին ընդունել, ըստ որի՝ կարեւորում էին խաղաղության պայմանագրի կնքման ակտիվ նախապատրաստման կարեւորությունը:

ՀՀ ԱԳՆ-ն արձագանքել է Իլհամ Ալիևի հայտարարությանը, թե Փաշինյանի հետ նախատեսված հանդիպումը չի կայանա, քանի որ հայկական կողմը հանդիպմանը

համաձայն է պայմանով, որ դրան մասնակցի նաեւ Ֆրանսիայի նախագահը:

«ՀՀ-ն պատրաստ է դեկտեմբերի 7-ի հանդիպմանը՝ Պրահայում ձեռք բերված պայմանավորվածության եւ ձեւաչափի համաձայն՝ այն տեղի է ունեցել քառակողմ ձեւաչափում, եւ տրամաբանական է, որ հանդիպման ձեւաչափը եւ մասնակիցների կազմը պիտի նույնը լինի:

Ադրբեջանական կողմի հայտարարությունները, թե հայկական կողմը փորձում է խաթարել հանդիպման անցկացումը եւ խաղաղության գործընթացն իրականության հետ որեւէ աղերս չունեն», - նշում են նախարարությունից: Հիշեցնենք, որ ArmLur.am-ն ավելի վաղ գրել էր, որ դեկտեմբերի 7-ին Բրյուսելում նախանշված Փաշինյան-Ալիև հերթական հանդիպումը կարող է տեղի չունենալ:

Նյութերը՝ ՍԵՎԱԿ ՎԱՐՈՂՈՍՅԱՆԻ

ԻՐԱՎԻՃԱԿ

ՀԱՄԱԿԱՐԳՈՒՄ Է

ԱՐԱՅԻԿ ՀԱՐՈՒԹՅՈՒՆՅԱՆԸ ԽԱԲԵԼ Է

ՈՎ Է ՓՈԽԱՐԻՆԵԼՈՒ

Լարսի անցակետը հատել փորձող որոշ բեռնատարներ, որ նոյեմբերի սկզբից Վրաստանի տարածքում են՝ Թբիլիսիի շրջանցիկ ճանապարհի մոտ, այս օրերին նոր միայն կարողացել են անցնել շրջանցիկ այդ ճանապարհը: Բայց, ցավոք, դրանից որեւէ բան չի փոխվել, ու դա չի էլ նշանակում, թե բեռնատարներն առաջիկա օրերին կամ շաբաթներին կարողանալու են հատել ռուս-վրացական սահմանը: ArmLur.am-ի հետ զրույցում այս պահին դեպի Լարսի անցակետ ճանապարհի մասին մանրամասներ է հայտնում Ազգային ժողովի «Հայաստան» խմբակցության պատգամավոր Գառնիկ Դանիելյանը: Պատգամավոր Դանիելյանը զարմանում է՝ ինչպես կարելի էր առիթը չօգտագործել ու ՀԱՊԿ գագաթնաժողովի շրջանակներում Հայաստան այցելած ՌԴ նախագահ Վլադիմիր Պուտինի հետ հարցն առանձին չքննարկել: «Հայաստան» խմբակցության պատգամավորը շեշտում է՝ հարցը մոտ մեկ ամսից ավելի է, ինչ ամենատարբեր հարթակներում բարձրաձայնում է, բայց առ այսօր դրական որեւէ տեղաշարժ չկա: Մեր զրուցակիցն արձանագրում է՝ իրավիճակի հետ կապված պարենային շուկայում արդեն իսկ թանկացումներ են նկատվում, արտահանող ընկերությունների մոտ՝ սնանկության դեպքեր: Տնտեսվարողները, հավելում է, անեցրած ու ստացած բերքը ռեալիզացնել չեն կարողանում, ինչը գյուղատնտեսության ոլորտի իրական աղետներից է: Ընդհանուր առմամբ, նորից ընկերության տեղակայմամբ, հայկական բեռնատարների թիվն այս պահին ավելի քան 3.000-ի է հասնում:

ԱՆԳՈՐԾ ԿՄՆԱՆ

90 բուժաշխատողներ Ավանեսյանի որոշման արդյունքում կմասն անգործ: «Հիմնարկն ունի մոտ 100 աշխատող, բայց կարող է՝ 10-ը միայն աշխատել, մնացածի ճակատագիրը անհայտ է: «Մեզ ծանուցել են, որ հիմնարկը հունվարի 1-ից տեղափոխվում է Սուրբ Գրիգոր Լուսավորիչ բժշկական կենտրոն՝ մի հարկում պիտի տեղավորվենք բոլորով: Ինչն է ինչից, որ մեզ՝ հասարակ աշխատողներին, գործազուրկ են դարձնում», այս մասին ArmLur.am-ի հետ զրույցում վրդովված ասացին «Այրվածքաբանության ազգային կենտրոնի» մի խումբ բուժաշխատողներ: Հիշեցնենք, որ ավելի վաղ «Ժողովուրդ» օրաթերթը գրել էր, «ՀՀ Առողջապահության նախարարությունը 2022 թվականի ապրիլի 7-ի Կառավարության որոշման համաձայն՝ միաձուլվել են երկու անհամատեղելի կառույցներ՝ «Մաշկաբանության ազգային կենտրոն» և «Այրվածքաբանության ազգային կենտրոն»-ները՝ ստեղծելով ՀՀ ԱՆ «Այրվածքաբանության և մաշկաբանության ազգային կենտրոն» ՓԲԸ: Ավելին՝ «Ժողովուրդ» օրաթերթը տեղեկացել էր, որ ՀՀ Առողջապահության նախարարությունը որոշում է կայացրել Դավիթաշեն վարչական շրջանում գտնվող Այրվածքաբանության ազգային կենտրոնի տարածքը տրամադրել Պետական առողջապահության գործակալությանը (ՊԱԳ)-ին, որպեսզի նախարարի սրտի ֆինանսիստը՝ Սիարոն Բարսեղյանը, լավ պայմաններում աշխատի: Իսկ Այրվածքաբանության ազգային կենտրոնը նախատեսվում է տեղափոխել «Սուրբ Գրիգոր Լուսավորիչ» ԲԿ՝ տեղավորելով ընդամենը մի հարկում: Այս առաջադեպը ArmLur.am-ը փորձեց մեկնաբանություն ստանալ նաեւ առողջապահության նախարարությունից: «Բանիմաց, փորձառու, խելացի, շարունակական զարգացման ծրագրերից օգտվող, վերապատրաստված մասնագետը համակարգից դուրս չի մնա: Կարծում եմ սա հստակ պատասխան է: Բացի այդ, կշարունակի աշխատել լավ պայմաններում եւ կունենա զարգացման առաջընթացի հնարավորություն»: Հիշեցնենք, որ նախարար Ավանեսյանի սրտի ֆինանսիստը՝ ՊԱԳ ղեկավար Սիարոն Բարսեղյանը, ՊԱԳ է տեղափոխվել Ավանեսյանի մայրիկին պատկանող տարածքում գտնվող «Վիզմոր» կլինիկայի ֆինանսիստի հաստիքից: Իսկ նախարարն ամեն ինչ անում է՝ հորպարակավ ապացուցելու, թե «Վիզմոր» կլինիկայի հետ որեւէ առնչություն չունեն ընտանեկան:

Վարչապետի աշխատակազմի ղեկավար, «Մանկական Եվրասիա-2022» երգի մրցույթի նախապատրաստման և կազմակերպման հանձնաժողովի նախագահ Արայիկ Հարությունյանի գլխավորությամբ ՀՀ կառավարությունում տեղի է ունեցել վերոնշյալ հանձնաժողովի հերթական նիստը: Այս մասին տեղեկացնում է ՀՀ կառավարության կայքը:

Քննարկվել են միջոցառումը բարձր մակարդակով անցկացնելու ուղղված նախապատրաստական աշխատանքներն ու առաջիկա անելիքները, մանրամասներ են ներկայացվել արդեն իսկ կատարված աշխատանքների վերաբերյալ: Նշվել է նաեւ, որ դեկտեմբերի 5-ին Հանրապետության հրապարակում տարբեր երկրներից ժամանած միջոցառման մասնակից երեխաները միասին կվառեն գլխավոր տոնածառի լույսերը, հրապարակում տեղի կունենա նաեւ տոնական միջոցառում եւ հրավառություն:

Վարչապետի աշխատակազմի ղեկավար, «Մանկական Եվրասիա-2022» երգի մրցույթի նախապատրաստման և կազմակերպման հանձնաժողովի նախագահ Արայիկ Հարությունյանի գլխավորությամբ ՀՀ կառավարությունում տեղի է ունեցել վերոնշյալ հանձնաժողովի հերթական նիստը: Այս մասին տեղեկացնում է ՀՀ կառավարության կայքը: Քննարկվել են միջոցառումը բարձր մակարդակով անցկացնելու ուղղված նախապատրաստական աշխատանքներն ու առաջիկա անելիքները, մանրամասներ են ներկայացվել արդեն իսկ կատարված աշխատանքների վերաբերյալ: Հանրային հեռուստաընկերության գործադիր տնօրեն Հովհաննես Մովսիսյանը ներկայացրել է Երեւանի Կարեն Դեմիրճյանի անվան մարզահամերգային համալիրում, որտեղ դեկտեմբերի 11-ին անցկացվելու է «Մանկական Եվրասիա-2022»-ը, իրականացված աշխատանքները: Նշվել է նաեւ, որ դեկտեմբերի 5-ին Հանրապետության հրապարակում տարբեր երկրներից ժա-



մանած միջոցառման մասնակից երեխաները միասին կվառեն գլխավոր տոնածառի լույսերը, հրապարակում տեղի կունենա նաեւ տոնական միջոցառում եւ հրավառություն: Ամփոփելով խորհրդակցությունը՝ Արայիկ Հարությունյանը կարեւորել է շահագրգիռ գերատեսչությունների հետեղական աշխատանքը՝ միջազգային մրցույթը մեր երկրում լավագույն անցկացնելու համար: Հիշեցնենք՝ «Ժողովուրդ» օրաթերթը դեռ հոկտեմբերի 28-ին գրել էր, որ «Մանկական Եվրասիա-2022» միջազգային մրցույթի կազմակերպման համար հատկացված ֆինանսական հատվածը վերահսկվելու է վարչապետի աշխատակազմի ղեկավար Արայիկ Հարությունյանի ու իր տեղակալ Բագրատ Բադալյանի կողմից: Խոսքը ԱՄՆ-ում մոտ 600.000 դոլարով տուն գնած Բագրատ Բադալյանի մասին է: Պարզվում է՝ Հանրային հեռուստաընկերություն» ՓԲԸ-ն ֆինանսական հատվածի հետ կապված գրեթե 0 դերակատարություն ունի: Ի դեպ, այս մասին հարցում «Ժողովուրդ» օրաթերթն ուղար-

կել է նաեւ ՀՀ կառավարություն, որտեղից մեզ փոխանցել էին, որ մեր հարցումը վերահասցեագրել են պետական մյուս կառույցներին, որոնք քիչ թե շատ դերակատարություն ունեն այս մրցույթի անցկացման գործում: Ստացվում է՝ վարչապետի աշխատակազմի ղեկավարն այժմ նաեւ «Մանկական Եվրասիա-2022» երգի մրցույթի նախապատրաստման և կազմակերպման հանձնաժողովի նախագահն է եւ զբաղվում է այդ աշխատանքներով: Եվ թերեւս կարող ենք ենթադրել, որ Արայիկ Հարությունյանը միաժամանակ ֆինանսական հատվածն էլ «աչքի տակ» է պահում: Ի դեպ, Արայիկ Հարությունյանը ArmLur.am-ի հետ զրույցում պաշտոնապես հերքել էր, որ որեւէ առնչություն ունի «Մանկական Եվրասիա-2022»-ի մրցույթի հետ, բայց ստացվում է, որ պարոն Հարությունյանը ստել է մեզ, եւ նա ոչ միայն առնչություն ունի, այլեւ «Մանկական Եվրասիա-2022» երգի մրցույթի նախապատրաստման և կազմակերպման հանձնաժողովի նախագահն է: ՆԱԽՈՎ ՀՈՎԿՆՆՆԻՍՅԱՆ

ՕՐՎԱ ԽՃԱՆԿԱՐ

ՄԱՆԴԱՏԸ ՎԱՅՐ ԿՐԵՑ

«Հայաստան» խմբակցության պատգամավոր Արամ Վարդեանյանը վայր է դնում մանդատը. այս մասին նա հայտնեց սոցցանցի իր էջում գրառում կատարելով. «Այսօր ներկայացնելու եմ պատգամավորի մանդատից հրաժարվելու իմ դիմումը: Այս մասին պարզ ու անկեղծ քննարկում եմ ունեցել գործընկերներիս հետ: Սա իմ անձնական որոշումն է՝ հարգելով, իհարկե, գործընկերներիս քայլերն ու գործողությունները: Ուժերիս ներածին չսպառնալով եմ պատգամավոր ընկերներիս եւ մեր գործընկերներին»: Հիշեցնենք, որ «Ժողովուրդ» օրաթերթը դեռեւս նոյեմբերի 22-ին գրել էր, որ «Հայաստան» խմբակցության մի խումբ պատգամավորներ իրենց մանդատները վայր են դնելու, այդ թվում՝ Արամ Վարդեանյանը:

ԱՌԱՋԻՆ ՄԻՋԱԶԳԱՅԻՆ ԳԻՏԱԺՈՂՈՎ

Հայաստանի եւ Հնդկաստանի միջեւ դիվանագիտական հարաբերությունների հաստատման 30-ամյակին նվիրված միջո-

ցառումների շրջանակում ՀՀ ԱԳ նախարարությունը, ԳԱԱ Արեւելագիտության ինստիտուտի հետ համագործակցությամբ, նոյեմբերի 27-ից 29-ը կազմակերպում է «Հայաստան-Հնդկաստան. հազարամյա հարաբերությունների նոր խթաններ» խորագրով առաջին միջազգային գիտաժողովը: Գիտաժողովը ներառելու է չորս թեմատիկ հարթակներ. 1) «Պատմական կապեր. Դարերի երկրատես փոխգործակցություն» 2) «Հայաստանն ու Հնդկաստանը գլոբալ եւ տարածաշրջանային զարգացումների շրջանակներում» 3) «Ճկուն բարեկամություն փոփոխվող աշխարհաքաղաքականության մեջ. Հայաստան-Հնդկաստան երկկողմ հարաբերություններ» 4) «Բազմաչափ երկկողմանի համագործակցության հեռանկարներ»: Միջոցառման բանախոսներն են լինելու ՀՀ արտաքին գործերի նախարարի տեղակալ Մնացական Սաֆարյանը, Նարեկացու անվան հայագիտության կենտրոնի պրոֆեսոր Պիտեր Քաուին, միջազգային հարաբերությունների դոկտոր, Հնդկաստանում Հայաստանի առաջին դեսպան Արմեն Բայբուրդյանը, ՀՀ ԳԱԱ Արեւելագիտության ինստիտուտի տնօրենի խորհրդա-

կան Ռուբեն Սաֆրաստյանը, Հայաստանում Հնդկաստանի նախկին դեսպան Ռիւսա Պանդեյը եւ այլք:

ՕՐԱԿԱՐԳԻ ԸՆՆԱՐԿՈՒՄ

Երեկ ՀՀ ԱԺ «Քաղաքացիական պայմանագիր» խմբակցության ղեկավար Հայկ Կոնջոբյանը եւ խմբակցության քարտուղար Արթուր Հովհաննիսյանը Ազգային ժողովում ընդունել են Հայաստանում Ֆրանսիայի արտակարգ եւ լիազոր դեսպան Անն Լույրյին եւ Ֆրանսիայի ԱԳՆ Հարավային Կովկասի հարցերի պատասխանատու Նիկոլա Կարգեսին: Այս առնչությամբ Կոնջոբյանը իր սոցիալական ցանցի էջում գրել է. «Քննարկել ենք Հայաստանի ժողովրդավարական զարգացման օրակարգը եւ կարեւորել խորհրդարանի ու խորհրդարանական աշխատանքների դերը ժողովրդավարության ամրապնդման եւ զարգացման գործում: Վերահաստատել ենք մեր հանձնառությունը՝ որպես խորհրդարանական մեծամասնություն, Հայաստանում ժողովրդավարական բարեփոխումների շարունակականության եւ Պառլամենտի դերի բարձրացման հարցում»:

ԱՆՈՐԱԴԱՐՁ

ՓԱՇԻՆՅԱՆԻ ՀԱՐՑԱՔՆՆՈՒԹՅԱՆԸ ՉԵՆ ՀԱՎԱՏՈՒՄ

44-օրյա դատաքննություն զոհված գին-
ծառայող ժողովուրդի Մահակյանի հայրը
Վահիկ Մահակյանը, անդրադարձնա-
լով ՀՀ վարչապետ Նիկոլ Փաշինյանի
ՀՀ ֆննչական կոմիտեի՝ գինվորական
ֆննչական գլխավոր վարչության
հասկալի կարեւոր գործերի ֆննչու-
թյան վարչությունում հարցաֆննչու-
թյանը, նեղ, որ ինքը չի հավատում, որ
իրականում Նիկոլ Փաշինյանը հար-
ցաֆննչել է:

Հիշեցնենք, որ «Ժողովուրդ» օրաթեր-
թը գրել էր, որ մեզ հասած տեղեկու-
թյունների համաձայն՝ ՀՀ վարչապետ Նի-
կոլ Փաշինյանը անձամբ չի գնացել Քնն-
չական կոմիտեի՝ 44 օրյա պատերազմի
առիթով հարուցված քրեական վարույ-
թով հարցաքննությանը: ՀՀ քննչական կո-
միտեի քննիչներն են գնացել Վարչապե-
տի մոտ՝ նրան հարցաքննելու:

«Ժողովուրդ» օրաթերթն իր այս տեղե-
կությունը փորձեց պարզել հենց Քննչա-
կան կոմիտեից, որտեղից ի պատասխան
հաղորդեցին: «Հայտնում ենք, որ 2020թ.
սեպտեմբերի 27-ից նոյեմբերի 9 ընկած
ժամանակահատվածում Ադրբեջանի
ռազմաքաղաքական ղեկավարության
կողմից Արցախի դեմ սանձազերծված
ագրեսիվ պատերազմի ընթացքում Հա-
յաստանի Հանրապետության բարձրաս-
տիճան պաշտոնատար մի խումբ ան-
ձանց կողմից իրենց պաշտոնական լի-
ազորությունները չարաշահելու են-
թադրյալ հանցագործության դեպքի առ-
թիվ 2003 թվականի ապրիլի 18-ին ըն-
դունված ՀՀ քրեական օրենսգրքի 308-
րդ հոդվածի 2-րդ մասի հատկանիշնե-
րով հարուցված քրեական վարույթի նա-
խաքննությունը 2022 թվականի մայիսի
4-ից շարունակվում է ՀՀ քննչական կո-
միտեի՝ գինվորական քննչական գլխա-
վոր վարչության՝ հատկապես կարելոր
գործերի քննության վարչությունում:

Սույն քրեական վարույթի շրջանակնե-
րում Հայաստանի Հանրապետության
վարչապետ Նիկոլ Փաշինյանը հար-
ցաքննվել է վկայի դատավարական կար-



գավիճակով՝ ՀՀ քրեական դատավարու-
թյան օրենսգրքով սահմանված բոլոր
պահանջների պահպանմամբ»:

Նշենք, որ «Ազատության» հարցման
ի պատասխան՝ Քննչական կոմիտեից
հայտնել էին, որ կոմիտեի գինվորական
քննչական գլխավոր վարչության՝ հատ-
կապես կարելոր գործերի քննության
վարչությունում վարչապետ Փաշինյանը
որպես վկա է հարցաքննվել:

Նկատենք, որ 2020թ. հունվարի 25-ին՝
Կապանում տեղի ունեցած մամուլի
ասուլիսի ժամանակ (այն ժամանակ, ի
դեպ, վարչապետ Նիկոլ Փաշինյանը չէր
խուսափում լրագրողների հետ ուղիղ
շփումներից), մեծախոսում էր, թե ինքն

այնքան հասնելի է, որ Հատուկ քննչա-
կան ծառայությունից հրավեր է ստացել
ու վեր է կացել, գնացել հարցաքննու-
թյան: «Հայաստանի պատմության մեջ
առաջին անգամ երկրի գործող ղեկավա-
րը Քննչական կոմիտեի հրավերով ներ-
կայացել է նախաքննության մարմնի
գրասենյակ եւ քննիչի աշխատասենյա-
կում հարցաքննվել:

Ի դեպ, ինձ երեկ էլ հրավիրել են ՀԶԾ,
եւ հարցաքննվել եմ նաեւ այնտեղ», -
ասում էր Փաշինյանը: Այսօր, սակայն, իր
խկ բառերով ասած՝ իրավիճակ է փոխ-
վել, եւ արդեն քննիչներն են գնում վար-
չապետի մոտ՝ հարցաքննելու»:

ՔՆՆՉԱԿԱՆ

ԽԱՐՈՒԿՆՈՒԹՅԱՆ ԴԵՊՔԵՐ

ՀՀ ֆննչական կոմիտեի Գեղարքունիքի
մարզային ֆննչական վարչությունում
իրականացված մեծածավալ ֆննչա-
կան եւ այլ դատավարական գործողու-
թյունների արդյունքում բացահայտվել
է երեք ռազմական զոհերի գողության,
գողության փորձի, խարդախության
դեպքեր: Մեկ անձի մասով նախաֆն-
նչությունն ավարտվել է:

Քննությանը ձեռք բերված տվյալների
համաձայն՝ Երեւան քաղաքի 26-ամյա
բնակիչը, երկու անչափահաս եղբայրնե-
րին ներգրավելով հանցագործության
կատարման մեջ, ուրիշի գույքի գաղտնի
հափշտակություն կատարելու շուրջ հա-
մաձայնության գալով, 2021 թվականի
դեկտեմբեր ամսվա ընթացքում, տեխնի-
կական միջոցների գործադրմամբ,
մուտք են գործել Լույս մարզի վարչական
տարածքում գտնվող հանգստյան գոտի-
ների տնակներ, խանութներ, բնակարան-
ներ եւ կատարել հափշտակություններ՝
քաղաքացիներին պատճառելով տարբեր
չափերով գույքային վնաս:

Պարզվել է նաեւ, որ Լույս անձինք,
հափշտակություն կատարելու նպատա-
կով, մուտք են գործել ՀՀ այլ մարզերում

եւ Երեւանում գտնվող բնակարաններ,
սակայն իրենց կամքից անկախ հանգա-
մանքներով հանցագործությունն ավար-
տին չեն կարողացել հասցնել: Բացի այդ,
Նշված 26-ամյա երիտասարդը, հայտա-
բարությունների հարթակում տեսնելով
ավտոմեքենաների վաճառքի վերաբեր-
յալ հայտարարություններ, ինչպես միայ-
նակ, այնպես էլ խմբի կազմում, մեկը
մյուսի գործողությունները լրացնելով,
կատարել են անձնագրի կեղծում եւ ավ-
տոմեքենաների սեփականատերերին
կեղծ խոստումներ տալով, կեղծ անձնագ-
րի տվյալներով պարտավորագիր ներկա-
յացնելով, խարդախությամբ հափշտա-
կել են ավտոմեքենաները, վաճառել եւ
գումարը բաժանել միմյանց միջեւ:

Հիշյալ երիտասարդը, 2019-2021թթ.
ընթացքում, համաձայնության գալով իր
ընկերների հետ, տարբեր մարզերում
մուտք է գործել ավտոտեխսպասարկ-
ման, մետաղների ընդունման կետեր,
ինչպես նաեւ բնակարաններ, եւ կատա-
րել գաղտնի հափշտակություններ: Որոշ
դեպքերում էլ հանցագործությունն
իրենց կամքից անկախ հանգամանքնե-
րով չկարողանալով ավարտին հասցնել՝
հեռացել են:

Ձեռք բերված բավարար պացույց-
ների համակցությամբ՝ 26-ամյա երիտա-
սարդի նկատմամբ հարուցվել է հանրա-
յին քրեական հետապնդում՝ ՀՀ քրեա-
կան օրենսգրքի 254-րդ հոդվածի 2-րդ
մասի 1-ին եւ 3-րդ կետերով (9 դրվագ),
254-րդ հոդվածի 2-րդ մասի 1-ին, 3-րդ
եւ 4-րդ կետերով (2 դրվագ), 254-րդ
հոդվածի 3-րդ մասի 2-րդ կետով (10 դր-
վագ), 238-րդ հոդվածի 1-ին մասով (7
դրվագ), 238-րդ հոդվածի 3-րդ մասի 2-
րդ կետով (12 դրվագ), 255-րդ հոդվածի
1-ին մասով, 255-րդ հոդվածի 2-րդ մասի
1-ին կետով, 255-րդ հոդվածի 2-րդ մասի
3-րդ կետով, 457-րդ հոդվածի 2-րդ մա-
սով, 44-254-րդ հոդվածի 2-րդ մասի 1-
ին եւ 3-րդ կետերով (7 դրվագ) եւ 44-
254-րդ հոդվածի 3-րդ մասի 2-րդ կետով
(3 դրվագ): Վերջինիս նկատմամբ որ-
պես խափանման միջոց կիրառվել է կա-
լանքը, նրա մասով նախաքննությունն
ավարտվել է, եւ քրեական վարույթի
նյութերը, մեղադրական եզրակացու-
թյամբ ուղարկվել են դատարան: Նշված
քրեական վարույթի շրջանակներում
որպես մեղադրյալ ներգրավված եւ 8
անձի մասով նախաքննությունը շարու-
նակվում է:

ԼՈՒՐԵՐ

ԳՈՒՄԱՐ Է
ՀԱՓՇՏԱԿԵԼ

ՀՀ հակակոռուպցիոն կոմիտեում
իրականացված քրեական վարույթով
հիմնավորվել է, որ Ռ. Ս.-ն, զբաղեցնե-
լով Գեղարքունիքի մարզի ընդհանուր
իրավասության առաջին ատյանի դա-
տարանի դատավորի օգնականի պաշ-
տոնը, խարդախությամբ պաշտոնեա-
կան դիրքն օգտագործելով դատա-
պարտյալից գումար է հափշտակել:

Մասնավորապես՝ պարզվել է, որ Ռ.
Ս.-ն ծանոթություն է հաստատել Դիլի-
ջան քաղաքի բնակիչ Ս. Հ.-ի հետ, որը
Գեղարքունիքի մարզի ընդհանուր
իրավասության առաջին ատյանի դա-
տարանի՝ 2016 թվականի հուլիսի 8-ի
դատավճռով մեղավոր է ճանաչվել ՀՀ
քրեական օրենսգրքի 242-րդ հոդվածի
2-րդ մասով նախատեսված արարք կա-
տարելու մեջ եւ դատապարտվել ազա-
տագրկման: Դրանից հետո՝ 2017 թվա-
կանի հունիսի 21-ին, դատապարտյալի
պաշտպանը դիմում է մուտքագրել Գե-
ղարքունիքի մարզի ընդհանուր իրա-
վասության դատարան՝ Ս. Հ.-ի նկատ-
մամբ նշանակված ազատագրկման
ծեով պատժատեսակը հանրային աշ-
խատանքներով փոխարինելու վերա-
բերյալ:

Դատավորի օգնական Ռ. Ս.-ն, տեղե-
կացված լինելով վերը նշված դիմումի
մասին եւ նպատակ ունենալով դատա-
պարտյալից խարդախությամբ գումար
հափշտակել, Ս. Հ.-ին հայտնել է, որ որ-
պես պատժատեսակ նշանակված
ազատագրկումը հանրային աշխա-
տանքներով փոխարինելու համար
անհրաժեշտ է 300.000 ՀՀ դրամի պե-
տական վճարում կատարել, մինչդեռ
օրենքով որել է նման վճարում սահմա-
նված չի եղել:

Արդյունքում Ռ. Ս.-ն Վանաձոր քա-
ղաքում հանդիպել է դատապարտյալ Ս.
Հ.-ի հետ եւ նրանից ստացել 300.000 ՀՀ
դրամ գումարը:

Քննության առնելով Ս. Հ.-ի պաշտ-
պանի դիմումը՝ Գեղարքունիքի մարզի
ընդհանուր իրավասության առաջին
ատյանի դատարանը որոշում է կայաց-
րել հիշյալ դիմումն ըստ ընդդատու-
թյան ուղարկելու վերաբերյալ, որից հե-
տո դատապարտյալ Ս. Հ.-ի պահանջով
Ռ. Ս.-ն հիշյալ գումարը վերադարձրել է
նրան:

Ռ. Ս.-ին մեղադրանք է ներկայացվել
ՀՀ նախկին քրեական օրենսգրքի 178-
րդ հոդվածի 2-րդ մասի 1.1 կետով նա-
խատեսված հանցավոր արարքի կա-
տարման համար:

Նախաքննությունն ավարտվել է:
Քրեական վարույթի նյութերը մեղադ-
րական եզրակացությամբ հանձնվել են
հսկողություն իրականացնող դատա-
խազին՝ այն հաստատելու եւ դատարան
ուղարկելու միջնորդությամբ:

ԿԻՆԸ
ՄԱՐԱՑԵԼ Է

Նոյեմբերի 17-ին, ժամը 18:40-ին,
«Լադա» մակնիշի մեքենայի վարորդը
Երեւանի Խորենացու փողոցում վրաեր-
թի էր ենթարկել 80-ամյա կնոջ, որը
մարմնական վնասվածքներով տեղա-
փոխվել էր հիվանդանոց: Նոյեմբերի
24-ին՝ ժամը 07:54-ին, հիվանդանոցից
հաղորդում է ստացվել, որ 80-ամյա
Սվետլանա Այդինյանը մահացել է:

● Ըստ ոստիկանության տվյալների՝ նոյեմբերի 24-ից 25-ը Հայաստանի Հանրապետությունում բա-
ցահայտել են հանցագործության 76 դեպք, որից 8-ը՝ նախկինում կատարված:

ՀԱՍԱՐԱԿՈՒԹՅՈՒՆ

ԼՈՒՐԵՐ

ԱՐՏԱՐԵՐԹ ԵՒՍՏ

Ազգային ժողովը դեկտեմբերի 2-ին արտահերթ նիստ կգումարի: ArmLur.am-ը տեղեկացավ, որ արտահերթ նիստի նախաձեռնողն ընդդիմությունն է՝ «Հայաստան» խմբակցությունը: Տեղեկացանք, որ նիստը հրավիրվում է Ադրբեջանի խորհրդարանի՝ 2022 թվականի նոյեմբերի 8-ի հայտարարությունը քննության առնելու ու դրան համարժեք Հայաստանի անունից հայտարարություն ընդունելու համար: Իսկ Ադրբեջանի խորհրդարանը՝ Միլի Մեջլիսը, հայկական կողմին կոչ է արել ճիշտ գնահատել ստեղծված պատմական հնարավորությունն ու «հաղադրության պայմանագրի» համար ընդունելի համար պաշտոնական Բաքվի կողմից տրամադրված հիվազ կետերը: «Հայաստան» խմբակցությունն առաջարկում է Ադրբեջանին պատասխանել մոտավորապես հետևյալ բովանդակությամբ պատասխանով: «Ադրբեջանը պարտավոր է հայ-ադրբեջանական հարաբերությունների կարգավորման շրջանակներում անվերապահորեն կատարել ստանձնած պարտավորությունները, վերջ տալ հայտայացությանը, ռազմական հռետորքաբանությանը, բացառել ուժի կիրառումը, ուժի կիրառման սպառնալիքը, ինչպես նաև շանտաժի եւ ճնշումների միջոցով ցանկալի համաձայնագրերին հասնելու քաղաքականությունը: Ադրբեջանական կողմը պարտավոր է իր գիված ուժերն անհապաղ վերադարձնել մինչև 2021թ. մայիսի 12-ը զբաղեցրած բնագծերը»: Ի դեպ, դեռ հարց է, թե իրականում Աժ մեծամասնությունը՝ «Քաղաքացիական պայմանագիր» խմբակցությունը, խորհրդարանում բավարար քվորում կապահովի՞ նիստը մեկնարկելու ու հարցը քննարկելու համար:

ԻՐԱՎԻՃԱԿԸ ԼԱՐՍՈՒՄ

Լարսի անցակետը հատել փորձող որոշ բեռնատարներ, որ նոյեմբերի սկզբից Կրասնոսի տարածքում են՝ Թբիլիսիի շրջանցիկ ճանապարհի մոտ, այս օրերին նոր միայն կարողացել են անցնել շրջանցիկ այդ ճանապարհը: Բայց, ցավոք, դրանից որել բան չի փոխվել, ու դա չի էլ նշանակում, թե բեռնատարներն առաջիկա օրերին կամ շաբաթներին կարողանալու են հասել ռուս-վրացական սահմանը: ArmLur.am-ի հետ զրույցում այս պահին դեպի Լարսի անցակետ ճանապարհի մասին մանրամասներ է հայտնում Ազգային ժողովի «Հայաստան» խմբակցության պատգամավոր Գառնիկ Դանիելյանը:

Պատգամավոր Դանիելյանը զարմանում է՝ ինչպես կարելի էր առիթը չօգտագործել ու ՀԱՊԿ գագաթնաժողովի շրջանակներում Հայաստան այցելած ՌԴ նախագահ Վլադիմիր Պուտինի հետ հարցն առանձին չքննարկել: «Հայաստան» խմբակցության պատգամավորը շեշտում է՝ հարցը մոտ մեկ ամսից ավելի է, ինչ ամենատարբեր հարթակներում բարձրաձայնում է, բայց առ այսօր դրական որել տեղաշարժ չկա: Մեր գրուցակիցն արձանագրում է՝ իրավիճակի հետ կապված պարենային շուկայում արդեն իսկ թանկացումներ են նկատվում, արտահանող ընկերությունների մոտ՝ սնանկության դեպքեր: Տնտեսվարողները, հավելում է, աճեցրած ու ստացած բերքը ռեալիզացնել չեն կարողանում, ինչը գյուղատնտեսության ոլորտի իրական աղետներից է: Արտահանող խոշոր կազմակերպություններից մեկը Facebook-ի իր էջում գրել է, որ նոյեմբերի 20-ի դրությամբ, պայմանավորված Լարսի անցակետի խիստ ցածր թողումակությամբ, ավելի քան 1 մլրդ դրամի վնաս է կրել: Մասնավոր ընկերությունը տեղեկացրել է նաև, որ միայն իր խցանման մեջ մնացած բեռնատարները թվով 150-ն են: Իսկ ընդհանուր առմամբ, նորից ընկերության տեղակայմամբ, հայկական բեռնատարների թիվն այս պահին ավելի քան 3.000-ի է հասնում:

ՍԵՎԱԿ ՎԱՐՈՂՈՒՅԱՆ

ՊԱՇՏՈՆՅԱ

ՀԱՅԱՍՏԱՆՈՒՄ ԿԱՆԱՆՑ ՄԵԾ ՄԱՍԸ ԳՈՐԾԱԶՈՒՐԿ Է

«Մի կողմից մենք ուզում ենք կանայք ավելի ցածր գնով գնել առօրյա անհրաժեշտ ապրանքներ, որովհետև ունեն ավելի լավ մարդկային կադրեր, մյուս կողմից ուզում ենք կանայք ավելի ցածր գնով գնել առօրյա անհրաժեշտ ապրանքներ ունենան, քանի որ դա դեռևս մեր առաջընթացի ու ռազմավարական կարևորություն ունի, ուզում ենք կանայք գնալ ավելի բացառիկ, սննտային մեջ, ֆառաֆականության մեջ: Այս մասին, այսօր՝ նոյեմբերի 25-ին, «Ընդդեմ գենդերային բռնության ակտիվության 16-օրյակ»-ին նվիրված համաժողովի ժամանակ ասաց աշխատանքի եւ սոցիալական հարցերի նախարարության խորհրդական Վիկտորյա Ալիկոբյանը:



Վիկտորյա Ալիկոբյանը

«Ու այնպես է ստացվում, որ պետության խնդիրների ահռելի մասը դնում ենք կանանց ուսերին՝ առանց ստեղծելու դրա համար անհրաժեշտ համակարգային պայմաններ: Ուստի պետք է հասկանալ, թե ինչպես է հնարավոր այս տարբեր նպատակները միմյանց հետ համատեղել այնպես, որ կինն ընտրություն կատարելու հնարավորություն ունենա եւ ցանկության դեպքում հնարավորություն ունենա հատեղելու անձնական կյանքը, աշխատանքը, ընտանիքը, հետաքրքրությունները եւ այլն»,- ասաց նա:

Վիկտորյա Ալիկոբյանը տեղեկացրեց, որ վերջերս մշակել են աշխատանքի ու սոցիալական պաշտպանության ռազմավարությունը, որը ներկայացրել են հանրային քննարկման, որից հետո փոփոխություններ են կատարել:

«Այդտեղ ահռելի բլոկ հատկացված է կանանց տնտեսական զարգացմանը, բռնության դեմ պայքարին, կանխարգելմանը եւ այլն: Հույսով ենք՝ օրերս ռազմավարությունը կընդունվի կառավարության կողմից ու կդառնա ուղղորդիչ փաստաթուղթ»,- ասաց աշխատանքի եւ սոցիալական հարցերի նախարարության խորհրդականը:

Նա նշեց, որ գուգահեռաբար մշակում են զբաղվածության ռազմավարություն, որտեղ հենց կանանց տնտեսական զարգացումն ու ներգրավումն աշխատաշուկայում դիտարկում են իբրեւ ֆինանսական կայունության, ֆինանսական անկայունության կարելու ազդեցությունները, որը հենց ամենաառանցքային պայմաններից է բռնության դեմ պայքարելու համար:

Ծրագրերի միջոցով անդրադառնալ ու հասցեագրել այս խնդիրները, այլ ավելի համակարգաստեղծ ինստիտուտներ ստեղծելով պայքարել նաեւ առկա մշակութային խնդիրների ու կարծրատիպերի դեմ»,- ասաց նա:

Ալիկոբյանը խոսեց մի ծրագրի մասին, որը միտված է մարզաբնակ կանանց, խոցելի խմբերի կարողությունների զարգացմանը բարձր արտադրողականություն ունեցող ոլորտներում: «Մոտ օրերս մենք մարզաբնակ ընտանեկան բռնության ենթարկված, նպաստի համակարգում գտնվող, գործազուրկ, միայնակ մայր եւ նման խմբերում ընդգրկված կանանց համար կառավարվենք թվային մարկետինգի դասընթացներ, հետագայում նաեւ աշխատանքի անցնելու հնարավորությամբ»,- ասաց նա:

Վիկտորյա Ալիկոբյանի ներկայացմամբ, Հայաստանում մեծ թիվ են կազմում 15-29 տարեկան երիտասարդները, ովքեր չեն աշխատում ու չեն սովորում: «Փաստացի, այդ երիտասարդների մոտ 80 տոկոսը բնակվում է մարզերում: Իսկ 15-29 տարեկան կանանց շուրջ 40 տոկոսն ընկնում է այս կատեգորիայի մեջ՝ կամ չեն աշխատում, կամ չեն սովորում: Բնական է, որ զբաղված են երեխայի կամ ընտանիքի անդամի խնամքով: Սա է պատճառը, որ պետք է թիրախավորենք նաեւ ընտանիքի անդամի, երեխայի խնամքի նոր հաստատությունների ստեղծումը»,- ասաց Վիկտորյա Ալիկոբյանը:

Նա կարելուց մանկապարտեզների թիվն ավելացնելու հարցը: «Բայց դրանից բացի շատ կարեւոր է նաեւ օրենսդրական փոփոխություններ իրականացնելը, որովհետեւ երեխայի խնամքը միայն կնոջ պարտականությունը չէ: Պետք է իրավական մեխանիզմներ ստեղծել, որ հայրը նույնպես ներգրավված լինի երեխայի խնամքում:

Հաջորդը, մենք թիրախավորելու ենք 30-40 տարեկան կանանց, որովհետեւ սա այն տարիքն է, երբ կինը երեխայի խնամքից հետո փորձում է վերադառնալ աշխատաշուկա: Սակայն երեխայի խնամքի վրա ծախսած 2-3 տարիները իրենց ազդեցություն են ունենում կնոջ հմտությունների, կարողությունների վրա: Դրա համար այդ տարիքի կանանց համար առավել թիրախավորված փափուկ կարողությունների զարգացման ծրագրեր ենք առաջարկելու»,- ասաց նա:

ՍԵՓԱԿԱՆՈՒԹՅԱՆ ԻՐԱՎՈՒՆՔՈՎ

ԳՈՒՅՔ՝ ՄԱՆԿԱՊԱՏԱՆԵԿԱՆ ՄԱՐԶԱԳՊՐՈՑԻՆ

ՀՀ կառավարությունը նոյեմբերի 24-ին հիստում հավանության է արժանացրել մանկապատանեկան մարզադպրոցներին, մարզական ազգային ֆեդերացիաներին եւ այլ հասարակական կազմակերպություններին անհատույց սեփականության իրավունքով գույք սրամադրելու վերաբերյալ որոշման նախագիծը, որը մշակել է ԿԳՄՍ նախարարությունը:

ԿԳՄՍ-ից ArmLur.am-ին հայտնում են, որ որոշմամբ հաստատվել է 2022 թվականին ձեռք բերվող գույքի բաշխման ցանկը՝ ըստ ՀՀ մանկապատանեկան մարզադպրոցների, մարզաձեւերի ազգային ֆեդերացիաների եւ այլ հասարակական կազմակերպությունների: Նախա-

տեսվում է ՀՀ պետական բյուջեում ծախսերի ավելացում 280 մլն 632 հազար դրամի չափով:

Հաշվի առնելով, որ մարզական կազմակերպություններում առկա մարզական գույքը հնանում եւ մաշվում է, մարզական գույքի զգալի մասն արագամաշ գույք է, իսկ որոշ մասը նույնիսկ մեկամյա օգտագործման է, ուստի անհրաժեշտություն է առաջանում յուրաքանչյուր տարի շարունակական իրականացնելու ծրագիրը:

Ներկայում հանրապետության մարզադպրոցներից, մարզաձեւերի ֆեդերացիաներից եւ մարզական հասարակական կազմակերպություններից ստացվել է 2 մլրդ 7 մլն 245 հազար դրամ արժողությամբ գույքի պահանջարկ: Բաշխման

ցանկը կազմվել է՝ հաշվի առնելով առաջնահերթությունները՝ կազմակերպություններում պարապրոֆեսիոնալ թիվը, մարզական արդյունքները, աշխարհագրությունը եւ այլն:

«Գնումների մասին» ՀՀ օրենքի համաձայն՝ արդեն իսկ իրականացվել է նախատեսված մարզական գույքի գնման գործընթացը:

Որոշման արդյունքում ակնկալվում է հանրապետության մարզական կազմակերպությունների՝ անկախ գերատեսչական պատկանելությունից, ամրապնդված նյութատեխնիկական բազաների եւ ժամանակակից մարզագույքով հագեցված մարզակառույցների առկայություն, ինչպես նաեւ մարզման բարելավված պայմաններ:

● Անցած 1 օրվա ընթացքում Հայաստանի Հանրապետությունում արձանագրվել է 21 ճՏՊ. 31 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

«ԱԿԲԱ» ԲԱՆԿ

ՀԵՌՈՒՄՏԱՄԱՐԱԹՈՆ

«Ակբա» բանկը միացել է «Հայաստան» համահայկական հիմնադրամի կազմակերպած «Մենք ստեղծում ենք կենսունակ համայնքներ» խորագրով հեռուստամարաթոնին:

Բանկը Հայաստանում տարբեր կարեւոր ծրագրերի իրականացման համար հիմնադրամին հավելյալ 2 միլիոն դրամ է տրամադրել:

2021-ի սկզբից առ այսօր Ակբա բանկը Visa «ԲԱՐԵՐԱՐ» ծրագրի շրջանակում «Հայաստան» համահայկական հիմնադրամին է տրամադրել 153.167.879 ՀՀ դրամ, որից 62.557.000ՀՀ դրամը տրամադրվել է 2021 թվականին, իսկ 90.610.879 ՀՀ դրամը՝ 2022 թվականին: Որպես առանձին աջակցություն «Հայաստան» համահայկական հիմնադրամին տրամադրվել է 92.576.000 ՀՀ դրամ, որից՝

- 16.831.000 ՀՀ դրամը տրամադրվել են բանկի աշխատակիցները՝ «Մենք ենք Մեր սահմանները» ծրագրի շրջանակում,
- 25.745.000 ՀՀ դրամը բանկի աշխատակիցների կողմից տրամադրվել է սոցիալական փաթեթի շրջանակում,
- 50.000.000 ՀՀ դրամ բանկը տրամադրել է միանվագ աջակցություն:

Բանկի եւ «Հայաստան» համահայկական հիմնադրամի համատեղ թողարկած Visa «ԲԱՐԵՐԱՐ» քարտերի միջոցով կատարված գործառնությունների 0.1%-ը, ինչպես նաեւ քարտատեսակի տարեկան սպասարկման վաճարների 50%-ը բանկը տրամադրում է «Հայաստան» համահայկական հիմնադրամին:

ՏՆՏԵՍԱԿԱՆ ԱՃ

Այս տարվա 10 ամիսների արդյունքներով տնտեսական ակտիվության ցուցանիշը 14,5 տոկոս, իսկ հոկտեմբերին՝ նախորդ տարվա հոկտեմբերի համեմատ՝ 17,5 տոկոս:

Վիճակագրության պետական կոմիտեի տվյալներով, այս տարվա 10 ամիսների տվյալներով առեւտուրն աճել է 15,5 տոկոսով (միայն հոկտեմբերին՝ 23,1 տոկոսով), շինարարությունը՝ 14,4 տոկոսով (միայն հոկտեմբերին՝ 15,1 տոկոսով), ծառայությունների ոլորտը 27,9 տոկոսով (միայն հոկտեմբերին՝ 34,9 տոկոսով), արդյունաբերությունը՝ 9,9 տոկոսով (միայն հոկտեմբերին՝ 9,7 տոկոսով):

Հունվար-հոկտեմբերի տվյալներով գնաճը կազմել է 8,7 տոկոս, իսկ հոկտեմբերը՝ հոկտեմբերի համեմատ՝ 9,5 տոկոս:

Արտաքին առեւտրաշրջանառությունը 10 ամիսներին աճել է 66,4 տոկոսով, իսկ հոկտեմբերը՝ հոկտեմբերի համեմատ՝ 91 տոկոսով:

Արտահանումը 10 ամիսների տվյալներով աճել է 71,4 տոկոսով (հոկտեմբերին՝ 24,8 տոկոսով), իսկ ներմուծումն աճել է 63,5 տոկոսով (հոկտեմբերին՝ 74,4 տոկոսով):

ԱԶԿԱՑՈՒԹՅՈՒՆ ԶԻՆՎՈՐԻՆ

ԲԱՐԵԳՈՐԾԱԿԱՆ ՀԱՄԵՐԳ Է ԵՂԵԼ

Հայաստան այցից առաջ աշխարհահռչակ դիրժոն, հայ ժողովրդի բարեկամ Վլադիմիր Մոլոդկոյովը ողջույնի խոսք է հղել իր հայ հանդիսատեսին. «Թանկագին ընկերներ, Հայաստանը վաղուց ինձ համար դարձել է հարազատ սուր: Ես բազմիցս եկել եմ որդես մենակատար և դիրժոն՝ «Մոսկվայի Վիստոկների» եւ Ռուսաստանի ազգային ֆիլհարմոնիկ նվագախմբի հետ: Իմ ընթացիկ միջոց եղել է ձեզ հետ՝ եւ՛ սխալության, եւ՛ ուրախության դասերին: Վերջին տարիներին Հայաստանը դժվար ժամանակներ է ապրում: Ձեր ցավն արժանապատիվ է մեզ իմ արժան, այդ իսկ դասաճառով ինձ համար կարևոր է աջակցել ձեզ այն ամենով, ինչով կարող եմ: Մեզ հանդես կգանք երեք համերգով. Երկուսը՝ Երեւանում եւ մեկը՝ ինձ համար շատ նշանակալի քաղաքում՝ Գյումրիում: Այս երեք համերգներից առաջինը «Զինվորի սանդ» բուժվող և կյանք վերադարձող վիրավոր զինվորների համար է:



Կանգնել հայ զինվորի կողքին, սատար լինել նման աստվածահաճո գործի, Նշանակում է՝ ոչ միայն հայ ժողովրդի մեծ բարեկամը լինել, այլեւ իսկապես՝ մեծ հումանիստ: Պատահական չէ, որ հենց այս բարեգործական համերգով ենք տալիս «Զինվորի տան» «Armenia 301» ծրագրի մեկնարկը: Սա մի ծրագիր է, որ նպատակ ունի «Զինվորի տան» շուրջ, այսինքն ի նպաստ զինվորի առողջության եւ բարօրության կատարվող գործի շուրջ համախմբել համայն հայությանն ու հայ ժողովրդի բարեկամներին: Ուրեմն, ի գործ՝ ի նպաստ հայրենիքի պաշտպանների», -ասում է Արմեն Մուրադյանը:

«Զինվորի տանը» նվիրված բարեգործական համերգի էքսկյուզիվ հովանավորն է «Արդշինբանկը»: Բանկի վարչության նախագահ Արտակ Անանյանը, հիշատակելով «Զինվորի տան» հետ արդեն մի քանի տարվա վաղեմության ծրագրերը, կարեւորում է գործակցության շարունակությունը: «Սա մեծ սոցիալական ծրագիր է, որին մենք շարունակաբար աջակցում ենք: Այսօրվա միջոցառումը բանկի եւս մեկ ներդրումն է վերականգնողական կենտրոնի հետ համագործակցության շրջանակներում: Մեր մեծ երախտագիտությունն ենք հայտնում մատուր Սպիվակովին, ով իր գործունեությամբ արդեն երկար տարիներ սատարում է հայ ժողովրդին», -նշում է Արտակ Անանյանը:

Զինվորի տունն առաջարկում է համայն հայությանն ու հայ ժողովրդի բարեկամներին համախմբվել Սարյանի կտավի շուրջ, միասնաբար «ստեղծել» կտավի կրկնօրինակը՝ այդպիսով մասնակից դառնալով հայրենիքի պաշտպանների բարեկեցիկ ապագայի կառուցման գործին:

Այս համերգի ընթացքում Ռուսաստանի ազգային ֆիլհարմոնիկ նվագախմբի կատարմամբ կինչեն Պյոտր Չայկովսկիի, Արամ խաչատրյանի, Զոսկինո Ռուսինի, Վինչենցո Բելլինիի, Զակարի Պուչչինիի, Էռնեստո դե Կուրտիսի ստեղծագործություններ: Որպես մենակատար նվագախմբի հետ հանդես կգա հայազգի հանրահայտ մեներգչուհի, «Բոլշոյ» թատրոնի մենակատար Աննա Ազատովան: Համերգի

տոմսերից ստացված ողջ հասույթը կփոխանցվի «Զինվորի տուն» վերականգնողական կենտրոնին:

Նոյեմբերի 28-ի համերգի էքսկյուզիվ հովանավոր է հանդիսանում Գեորգի Մայնիսկի ընկերությունը: Ունկնորին կներկայացվեն ռուս կոմպոզիտորներ Ս. Ռախմանինովի Դաշնամուրի թիվ 2 կոնցերտը եւ Պ. Չայկովսկու Թիվ 5 սիմֆոնիան, մենակատար՝ միջազգային մրցույթների դափնեկիր Ալեքսանդր Կլյուչկո (դաշնամուր): Այս ստեղծագործությունները համաշխարհային երաժշտարվեստի ամենատպալվորիչ գործերից են: Գեորգի Մայնիսկի ընկերության Հայաստանում պաշտոնական ներկայացուցիչ Ռուզաննա Գրիգորյանի խոսքով, այս նախագիծը իր մեջ ունի մեծ գթասրտության սիմվոլ. «Մեզ համար մեծ պատիվ է դառնալ մշակութային ծրագրի գործընկեր, որն ունի խորը հումանիտար եւ սոցիալական նշանակություն: Մշակույթն անհնար է առանց գթասրտության, քանզի գթասրտությունը մշակույթի մաս է: Հնչում է Չայկովսկի, Ռախմանինով՝ երաժշտության եւ մշակույթի միջազգային լեզուն: Մենք հաճախ ենք ասում, որ մշակույթը մեր ամենամրցունակ ոլորտն է, որը կարող է մեզ հասցնել համաշխարհային մակարդակի: Հենց նման հանդիպումներն են ծառայում երկրի պատվին, կամուրջ են դառնում դեպի համաշխարհային մեծ խաչմերուկ՝ այնտեղ, որտեղ կա փոխազդեցություն եւ որ ամենակարեւորն է՝ փոխըմբռնում: Ընդհանրապես դասական երաժշտության մասսայականացմանը նպաստելը մեծ ու կարեւոր ներդրում է ազգի քաղաքակրթական կոդի գարգացման գործում»:

Վլադիմիր Սպիվակովի այցը Հայաստան առանց Գյումրի այցելելու դարձել է արդեն անհնար: Չէ՛ որ դեռ հեռավոր 1989թ. գալով Գյումրի (այն ժամանակ դեռ Լենինական), նա խոստացավ, որ կվերադառնա եւ պահում է իր խոստումը մինչ օրս: Գյումրու Վարդան Աճեմյանի անվան պետական դրամատիկական թատրոնում, նոյեմբերի 29-ին կայանալիք համերգին կինչեն հատվածներ Պյոտր Չայկովսկու «Եվգենի Օնեգին» օպերայից, «Կարապի լիճը» եւ «Մարդուկ-Ջարդուկը» բալետներից, Արամ խաչատրյանի Լեռնոնտոյի «Դիմակահանդես» դրամայի երաժշտությունից սյուիտը:

Այս երաժշտական հրավառությունը հնարավոր դարձավ «Արվեստ23»-ի եւ ՌԱՖՆ բարեգործական հիմնադրամի ջանքերով: Իսկ Գյումրու համերգի կազմակերպիչն է Արտասահմանյան երկրների հետ մշակութային համագործակցության հայկական ընկերությունը:

Տոմսերը կարող եք ձեռք բերել Tomsarkh.am-ի միջոցով եւ Արամ խաչատրյան համերգարահի տոմսարկղում:

ԱՆՁԻՆ ՎՃԱՐՎԵԼ Է ԶՎՃԱՐՎԱԾ ԱՇԽԱՏԱԿԱՎՈՐՁ

Քաղաքացին դիմել է Պաշտպանության նախարարին՝ խնդրելով աջակցել սահմա չվճարված աշխատավարձը: Տեղեկացրել է, որ աշխատում է մասնավոր կազմակերպությունում՝ որդես մաքրիչի և վարձատրություն սահման է օրական աշխատանքային օրվա ավարտի վերջում: Գործատուի դաժանությամբ ներկայացել է նաև աշխատանքի մեկ այլ աշխատակցի փոխարինելու համար, սակայն աշխատանքային ժամի ավարտից հետո գործատուն հրաժարվել է վճարել նախատեսված աշխատավարձը՝ առանց հիմնավոր դատաբանության:

Քաղաքացու դիմումից հետո Պաշտպանի աշխատակազմը կապ է հաստատել գործատուի հետ պարզաբանում ստանալու նպատակով եւ տեղեկացել, որ գործատուն հրաժարվել է աշխատավարձ վճարել, քանի որ դեռեւս աշխատավարձի վճարման օրը չէ, այնուհետեւ հավելել, որ աշխատողը թույլ է տվել խախտում, ուստի աշխատավարձից կատարել է պահումներ:

Պաշտպանի աշխատակազմը գործատուից պահանջել է աշխատանքային պայմանագրի օրինակի պատճենը եւ

աշխատավարձից պահումներ կատարելու իրավական հիմքերը:

Գործատուն հրաժարվել է ներկայացնել պատճառաբանելով, որ աշխատանքային պայմանագիրը բացակայում է: Արձանագրվել է գործատուի կողմից ակնհայտ ոչ իրավաչափ գործողությունները, ուստի պահանջվել է խախտումների վերացում:

Բողոք ներկայացրած անձը հետագայում կապի միջոցով տեղեկացրել է, որ գործատուն իրեն հրավիրել է աշխատավայր, այնուհետեւ վճարել չվճարված աշխատավարձը:

«Ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:



Էջը՝ ՈՂՋԱ ՊՈՂՈՍՅԱՆԻ

ՔՐԵԱԿԱՆ

ՀԱՐՑ. Ինչու է կասարվում քրեական գործով վարչություն առարկաների դատադատության առաջնությունը:

Լավրենտ Սարգիսյան 68 տարեկան



ՊԱՏԱՍԽԱՆ. Առարկաները պահելիս եւ փոխադրելիս պետք է միջոցներ ձեռնարկվեն, որպեսզի դրանք զերծ մնան կորստից, վնասվելուց, փչանալուց, այլ առարկաների հետ շփվելուց կամ խառնվելուց: Գործն ուղարկելիս ուղեկցող նամակում եւ մեղադրական եզրակացությանը կից տեղեկանքում թվարկվում են քրեական գործին կցված եւ նրա հետ ուղարկվող բոլոր առարկաները, ինչպես նաեւ նշվում են գործին չկցված իրերն են ապացույցների գտնվելու տեղերը: Իրերն են ապացույցները դատարան են ուղարկվում փաթեթավորված եւ կնքված վիճակում:

ՀՀ քննչական կոմիտե

«ԺՈՂՈՎՈՒՐԳ». Առարկաներն ստանալիս դրանք համեմատվում են ուղեկցող նամակում կամ մեղադրական եզրակացությանը կից տեղեկանքում առկա տվյալների հետ: Անհամապատասխանություն հայտնաբերվելու դեպքում դրա մասին կազմվում է արձանագրություն: Փաթեթավորված եւ կնքված իրերն ապացույցները բացվում եւ հետազոտվում են միայն դատաքննության ընթացքում:

ԻՐԱՎՈՒՆՔ

ՀԱՐՑ. Որո՞նք են ծնողների եւ զավակների իրավունքներն ու դատականությունները:

Մանվել Կարապետյան 29 տարեկան




ՊԱՏԱՍԽԱՆ. Ծնողների եւ զավակների իրավունքներն ու պարտականությունները (ընդ որում երեխաների ապրուստը հոգալու ծնողների պարտականությունը) որոշվում են այն պետության օրենսդրությամբ, որի տարածքում նրանք ունեն համատեղ բնակության վայր: Ծնողների ու զավակների համատեղ բնակության վայրի բացակայության դեպքում ծնողների եւ զավակների իրավունքներն ու պարտականությունները որոշվում են այն պետության օրենսդրությամբ, որի քաղաքացին է երեխան: Հայցվորի պահանջով ալիմենտային պարտավորությունների եւ ծնողների ու զավակների միջեւ այլ հարաբերությունների նկատմամբ կարող է կիրառվել այն պետության օրենսդրությունը, որի տարածքում մշտապես ապրում է երեխան:

ՀՀ աշխատանքի եւ սոցիալական հարցերի նախարարություն

«ԺՈՂՈՎՈՒՐԳ». Չափահաս զավակների ալիմենտային պարտավորությունները ծնողների օգտին, ինչպես նաեւ ընտանիքի այլ անդամների ալիմենտային պարտավորությունները որոշվում են այն պետության օրենսդրությամբ, որի տարածքում նրանք ունեն համատեղ բնակության վայր: Համատեղ բնակության վայրի բացակայության դեպքում նման պարտավորությունները որոշվում են այն պետության օրենսդրությամբ, որի քաղաքացի է ալիմենտ ստանալուն հավակնող անձը:

ԼՈՒՐ ԿԱԴՐ

Լուսանկարը՝ համացանցից



Մայրաքաղաքի Շիրազի-Մազմանյան-Չաուշի փողոցների-Սիլիկյան խճուղու շրջանաձեւ երթեւեկությամբ խաչմերուկում հետիոտների անվտանգության ապահովման, ինչպես նաեւ ճանապարհային երթեւեկության հոսքերի կարգավորման նկատառումով նոյեմբերի 26-ից գործարկվելու են տրանսպորտային եւ հետիոտնային լուսացույցներ:

ԲԱԺԱՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել

«Հայմամուլ» ՓԲԸ հեռ. 45-82-00, 45-19-11

«Հայփոստ» ՊՓԲԸ հեռ. 51-45-46, 51-45-47

«Բլից-Մեդիա» ՍՊԸ հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադառնանք ձեր բարձրացրած բոլոր խնդիրներին:

Subscription form with fields for name, address, phone, and a contact number (060) 490049.



«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»:

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ Հասցեն՝ ք. Երեւան, Աբովյան 22՝/3, հեռ՝ 010 54-64-23 Պետական գրանցման վկայականի համարը՝ 03U089086 տրված է 24.11.2010 Ստորագրված է տպագրության 25.11.2022

Գլխավոր խմբագիր՝ ԶԵՆՈՒ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: